

蘇釋卷第二十六

趙氏金石錄下

陳仲弓壇碑

圍令趙君碑

周公禮殿記

巴郡太守樊君碑

綏民校尉熊君碑

司空宗俱碑

馮使君墓闕銘

高陽令楊君碑陰

浚儀令衡君碑

光祿勳劉曜碑

張侯殘碑

荊州從事施鎮碑

趙相離府君碑

三公碑

酸棗令劉熊碑

臨朐長仲君碑

臺灣國家圖書館, NATIONAL LIBRARY, TAIWAN, R.O.C.

司空殘碑

益州太守楊宗墓闕銘

益州刺史薛君巴郡太守劉君碑

巴郡太守張君碑

禹廟碑

禹廟碑陰

武氏石室畫像

戚伯著碑

四皓神位刻石

相府小史夏堪碑

郭先生碑

魏大饗碑

魏孔子廟碑

范式碑

陳仲弓壇碑

右陳仲弓壇碑其額題故太丘長潁川陳君壇其他文字摩滅不可盡識按蔡邕集有仲弓三碑以集本校之此碑非邕撰者然字畫亦奇偉惜其殘缺不完也

圉令趙君碑

右圉令趙君碑其額題漢故圉令趙君之碑而取後題初平元年十二月二十八日立碑已訛缺名字皆不可考所可見者有云郡仍署五亭像功曹州辟從事司徒楊公辟遷圉令播德二城風曜穆清被疾去

官年六十有八以中平五年冬十一月卒後有銘詩特完好其辭云天寔高惟聖同戲我君美其縱體弘仁蹈中虜所臨歷有休功追景行亦難雙刊金石示萬邦其詞頗爾雅故錄之

周公禮殿記

右周公禮殿記者今成都府學有漢時所建舊屋柱皆正方上狹下闊此記在柱上刻之靈帝初平五年立距今蓋千年矣而字畫完好可讀當時石刻在者往往摩滅此記託于屋楹乃與金石爭壽亦異矣記有云甲午年故府梓潼文君增造吏舍二百餘間按華陽國志有文參字子奇梓潼人平帝時用爲益州太守不從王莽公孫述光武嘉之疑此記所載即其人也蓋光武建武十年歲次甲午云

巴郡太守樊君碑

右巴郡太守樊君碑云君諱敏字升達肇祖宓戲遺苗后稷爲堯種樹舍潛于歧天顧亶甫乃萌昌發周室衰微霸伯匡弼晉爲韓魏魯分爲楊充曜封邑厥土河東楚漢之際或居于楚或集于梁君續其緒

南西臺又云總角好學治嚴氏經貫穿道度無文不
睹於是國君備禮招請濯冕題冠傑立忠蹇有夷史
之直卓密之風鄉黨見歸察孝除郎永昌長史遷宕
渠今大將軍辟光和之末京師擾攘雄狐綏綏冠履
同囊投核長驅畢志枕丘國復重察辭病不就再奉
朝聘七辟外臺常爲治中諸部從事又云季世不祥
米巫凶瘡姦校並起諂附者衆君執一心賴無汗恥
復辟司徒道隔不往牧伯劉公表授巴郡以助
尉養疾閭里又行褒義校尉年六十有四歲

紀驗期臻奄忽感形其後有銘取後題建安十年二
月上旬造他漢碑類多刳缺而此碑獨首尾完好故
載其大略于此米巫凶瘡者謂張魯也

綏民校尉熊君碑

右熊君碑其名字皆殘缺其額題漢故綏民校尉騎
都尉桂陽曲紅灌陽長熊君之碑初余得桂陽太守
周君碑陰據水經注以爲曲江漢時本名曲江今此
碑及額亦皆作紅乃知酈道元爲有據也

司空宗俱碑

右司空宗俱碑云公諱俱字伯儷南陽安衆人也而其額題漢故司空宗公之碑按後漢書宋均傳均族子意孫俱靈帝時爲司空余嘗得宗資墓前石獸膊上刻字因以後漢帝紀及姓苑姓纂等諸書參考以謂自均而下其姓皆當作宗而列傳轉寫爲宋誤也後得此碑益知前言之不謬碑以殘缺不成文理而官秩姓名鄉里特完可考故詳著之

馮使君墓闕銘

右馮使君墓闕銘云故尚書侍郎河南京令隸州刺史馮使君神道按漢書馮緄傳緄父煥安帝時爲幽州刺史而緄碑亦云幽州君之元子此字在石渠緄墓前雙石闕上知其爲煥闕也

高陽令楊君碑陰

右高陽令楊君碑陰歐陽公集古錄云余家集錄得楊震墓域中漢碑四震及沛相繁陽高陽令碑并得碑陰題名然得時參錯不知爲何碑之陰也集古所
有余盡得之又各以碑陰附于碑後其曰懷陵國令
蔣禧字武仲者沛相碑陰也其曰故吏故民故功曹

史故門下佐者繁陽令碑陰也其曰右後公門生右沛君門生者高陽令碑陰也

浚儀令衡君碑

右浚儀令衡立碑云君諱立字元節其先出自伊尹而其銘曰於穆從事歐陽公集古錄號爲元節碑且云疑其姓伊而爲從事也今碑首尚完題浚儀令衡君之碑蓋漢時石刻其官爵姓氏既載于額則其下不復更著苟文已殘缺又不見其額則遂難考究矣立與衛尉卿衡方墓皆在今鄆州中都方碑亦云其先伊尹號稱阿衡因以氏焉

光祿勳劉曜碑

右光祿勳劉曜碑集古錄云君諱曜字季危年七十三其餘爵里官閥卒葬歲月皆不可見今此碑雖殘缺然尚有可考處蓋孝文之裔又嘗爲太官令郎中居延都尉太宗正衛尉遂爲光祿勳至於卒葬年月則斷續不可考矣

張侯殘碑

右張侯殘碑張侯者子房也碑已斷裂糜滅不可次

叙獨其額尚完顯漢故張侯之碑在今彭城古留城
子房廟中驗其字畫蓋東漢時所立樂史寰宇記陳
留縣有張良墓引城家記云張良封陳留侯食邑小
黃一萬戶漢為良築城因名張良城今陳留有子房
廟廟貌甚盛今杜正漢書地理志注留屬陳故稱陳
留宋亦有留城留是也子房傳曰始臣起下邳與
上會留臣願封留足矣下邳與彭城相近而此碑漢
人所立乃在彭城然則子房所封非陳留明矣城家
記誕妄蓋不足信也

荊州從事苑鎮碑

右苑鎮碑其略云漢故荊州從事苑君諱鎮字仲方
南陽人也其先出自苑柏何為晉樂正世掌朝禮之
制又云有苑子園寔能掌陰陽之理即其冑也按姓
氏書皆云苑氏出于左傳所載齊大夫苑何忌之後
今此碑所謂苑柏何與子園左傳國語皆無其人故
錄之以待知者

趙相雖府君碑

右趙相雖府君碑其前歷叙家世官爵而所述雖君

事甚略云趙國相名勸孝廉成臯令趙國相又云在官五載莅政清平有甘棠之化年卅五卒于官故吏民漢中太守邳鄆某等其名殘缺慕戀恩德刊石稱頌焉又有闕銘題漢故趙國相離府君之闕云

三公碑

右三公碑歐陽公集古錄有北嶽碑云文字殘缺尤甚其可見者曰光和四年以此知爲漢碑爾其文多言珪幣牲酒黍稷豐穰等事其後二人姓名偶可見云南陽冠軍馮巡字季祖甘陵夏方字伯陽余嘗託人於北嶽訪求前代刻石幾盡獨無漢碑今此碑所書事及二人姓名與集古所載皆同又光和四年立惟其額題曰三公之碑而集古以爲北嶽碑豈歐陽公未嘗見其額乎三公者山名其事亦載于白石神君與無極山碑三山皆在真定元氏云

酸棗令劉熊碑

右劉熊碑在今酸棗縣云君諱熊字孟孟下闕一字按麟道元水經酸棗城內有漢縣令劉孟陽碑今據碑熊實爲此縣令然則所闕一字當從水經爲陽也

碑文云君光武皇帝之玄孫廣陵王之孫余鄉侯之季子也按後漢書光武子廣陵思王荆以譴死顯宗封其子元壽爲廣陵侯又封元壽弟三人皆爲鄉侯而李利涉編古命氏唐書宰相世系表皆云荆生俞鄉元侯平平生彪襲封今據熊當爲彪之弟然則於光武乃其曾孫而曰玄孫者疑碑誤

臨胸長仲君碑

右臨胸長仲君碑文字摩滅其粗可考者云君諱稚又云歷郡五官掾功曹史辟從事舉孝廉除郎中遷臨胸長而其額題故臨胸長仲君碑云

司空殘碑

右司空殘碑政和乙未歲得於洛陽天津橋之故墓首尾已不完所存四十五字字畫奇偉其詞有云命爾司空余回爾輔據此乃嘗爲三公蓋當時顯人惜其不見名氏也碑陰有故吏題名百餘人尤完好筆法不減蔡邕石經云

益州太守楊宗墓闕銘

右楊宗墓闕銘在蜀中凡十六大字云漢故益州太

守楊府君諱宗字德仲墓闕汶陽李長茂爲蜀使者
罷歸以此本見遺長茂名公年東州善士以畫山水
著稱者

益州刺史薛君巴郡太守劉君碑

右薛君碑已斷裂不完惟存上一段而比額尚全題
漢故益州刺史中山相薛君巴郡太守宗正卿成平
侯相劉君碑古無兩人共立一碑者惟見于此爾

巴郡太守張君碑

右巴郡太守張君碑其前題巴郡太守都亭侯張府
君功德叙云君諱訥字子郎勃海南皮人也又云炎
漢龍興留侯維幹枝裔滋布竝極爵秩又云察孝除
郟中尚書侍郎遷其陵寃句令親病去官辟司空司
徒府復辟太尉舉高第拜侍御史揚州寇賊陸梁作
難五府表君中丞督捕又云丙子重書封都亭侯碑
無卒葬年月其後頗叙述政績而繫以銘詩蓋巴郡
太守德政碑爾按漢史自安順以來揚州寇賊屢發
不知張君爲中丞督捕在何年也

禹廟碑

右禹廟碑字畫淺細故摩滅尤甚其事跡歲月皆不可考略可見者云皮氏長安定蘇而名字亦不能辨矣

禹廟碑陰

右禹廟碑陰自侯長汾陰趙遺子宣而下凡數十人姓名官爵具存又有故督郵曹史縣功曹鄉部吏柏昱等人名最後有龍門復民廿五戶人名在今龍門禹廟殘碑之陰而集古錄云在闕鄉楊震墓側又云楊氏子孫當時皆葬闕鄉碑碣往往摩滅此不知爲誰碑者蓋誤也

武氏石室畫像

右武氏石室畫像五卷武氏有數墓在今濟州任城墓前有石室四壁刻古聖賢畫像小字八分書題記姓名往往爲贅于其上文詞古雅字畫遒勁可喜故盡錄之以資博覽

戚伯著碑

右戚伯著碑首尾摩滅其略可見者有云充列王室遇謗于呂委位抑爵而其額題周末嗣戚氏襲以興

勃海君玄孫伯著之碑知其姓氏戚以文詞字畫驗之疑東漢中葉以前人蓋當時石刻見于今者多類此所謂充列王室遇謗于呂者戚夫人也

四皓神位刻石

右四皓神位神肱几刻石四在惠帝陵傍驗其字畫蓋東漢時書按顏師古匡謬正俗引圜稱陳留風俗傳自序云圜公之後圜公爲秦博士避地南山漢祖聘之不就惠太子即位以圜公爲司徒自圜公至稱十一世按班固述四皓但有園公非圜公也云當秦之時避地入商洛深山則不爲博士明矣又漢初置司徒安得以園公爲之乎稱之說實爲鄙野余嘗疑稱著書自述其世系不應妄誕如此及得四皓刻石見其所書亦爲圜公乃知稱所述果非臆說蓋當時所傳如此爾至謂圜公爲秦博士及惠帝時拜司徒者疑無所據

相府小史夏堪碑

右相府小史夏堪碑云夏堪字叔德帝禹之精苗零陵太守之根嗣也後有銘銘三字語頗古其卒葬年

月殘缺字雖不工然漢碑也其曰精苗根嗣漢末人
爲文喜造語多類此

郭先生碑

右郭先生碑集古錄以爲漢碑按後魏酈道元注水
經具載此碑云碑無年號不知何代人然則歐陽公
何所據遂以爲漢人乎余以字畫驗之疑魏晉時人
所爲既無歲月可考姑附于漢碑之次云

魏大饗碑

右魏大饗碑按魏志文帝以建安廿五年嗣位爲丞
相魏王改元延康夏六月南征秋七月甲午軍次于
譙大饗六軍及譙父老今以碑考之乃八月辛未蓋
魏志誤也是時丕爲丞相漢獻帝猶在位雖政去王
室已久然操之死纔數月爾丕軍次舊里初無念親
之心方與群臣百姓置酒高會大設伎樂而臣下又
相與伐石勒詞夸耀功德更以夏啓周成漢高祖光
武爲比豈不可笑也哉

魏孔子廟碑

右魏孔子廟碑按魏志文帝以黃初二年正月下詔

以議郎孔羨為宗聖侯奉孔子之祀及令魯郡脩舊廟今以碑考之乃黃初元年又詔語時時小異亦當以碑為正

范式碑

右范式碑法書要錄云蔡邕書今以碑考之乃魏青龍三年立非邕書也

有錄無說者

章和石記

章和二年

定室銘

永建元年

河東地界石記

延熹四年

堵陽長壽者劉君碑

建寧元年

仲君碑

建寧五年

中王君碑

光和元年

南武陽墓闕銘

元和三年

頻陽令宋君殘碑

陽都長徐君冢闕銘

魯相謁孔子碑

張公廟碑

逢君殘碑

山陽卒史司馬留碑

首山復民碑

首山復戶姓名

鍾君碑

史晨孔廟碑

建寧元年四月

史晨孔廟後碑

建寧二年三月

孔德讓碣

樊安碑

韓府君孔廟後碑

韓府君孔廟後碑陰

孫叔敖碑

桐栢廟碑

祝睦碑

祝睦後碑

堯廟碑

堯廟碑陰

張壽碑

張表碑

劉脩碑

北軍中候郭君碑

郝閣頌

婁壽碑

繁陽令楊君碑

楊君碑陰

陳球後碑

陳球碑陰

西嶽復民賦碑

郭寃碑

劉寬後碑

劉寬前碑陰

譙敏碑

武榮碑

楊震碑

楊震碑陰

高陽令楊君碑

楊君碑陰

高君墓闕銘

武陰令高君墓闕銘

富春丞張君碑

不其令董君闕

仙人唐君碑

督郵斑碑

殘碑四

韓明府孔廟碑陰

沛相楊君碑陰

李翕碑陰

孔彪碑陰

靈臺碑陰

帝堯碑陰

郭禧後碑陰

孫根碑陰

尉氏令鄭君碑陰

綏民校尉熊君碑陰

宗俱碑陰

劉熊碑陰

司空殘碑陰

右趙氏金石錄二卷趙君名明誠字德夫密州諸城人故相挺之之子也所藏三代彝器及漢唐前漢石刻為目錄十卷辨證二十卷其稱漢碑者百七十有七其陰四十今出其篆書者十四

張平子碑後碑

殘碑山陽麟鳳贊宗資墓天祿碑邪字琅邪相王君墓闕銘逢府君墓石柱文永樂少府賈君闕銘蜀郡太守任君神道蜀郡都尉王君神道小黃令闕南陽太守秦君碑額河南尹蘇君碑額司空掾陳君碑額非東漢者二

車騎將軍闕銘膠東令廟門碑

隸釋所闕者蓋

未判也掇其說載之趙君之書證據見謂精博然以衛彈為街彈以縣竹令為縣令之類亦時有誤者紹興中其妻易安居士李清照表上之趙君嗣李又更嫁其書行於世而碑亡矣

隸釋卷第二十六

群釋卷第二十七

天下碑錄

漢陳留太守程封碑

在開封府封丘縣東二里墓下

漢酸棗令劉熊碑

在本縣古城內按其文熊字孟陽仕酸棗令百姓刻石紀績有陰記

立碑故吏姓名

漢執金吾高裊碑

在雍丘縣南五里善鄉墓下

漢太尉高峻碑

在雍丘縣

漢三老袁良

一作碑

在太康縣圍城鎮西南三十里扶樂城石牛廟又云在縣西北

三十里陽夏鄉墓下永建六年卒葬于此

NATIONAL CENTRAL LIBRARY, TAIWAN. P.O.C.

隸釋卷第二十七

天下碑錄

漢陳留太守程封碑

在開封府封丘縣東二里墓下

漢酸棗令劉熊碑

在本縣古城內按其文熊字孟陽仕酸棗令百姓刻石紀績有陰記

立碑故吏姓名

漢執金吾高裊碑

在雍丘縣南五里善鄉墓下

漢太尉高峻碑

在雍丘縣

漢三老袁良

一作碑

在太康縣圍城鎮西南三十里扶樂城石牛廟又云在縣西北

三十里陽夏鄉墓下永建六年卒葬于此

NATIONAL CENTRAL LIBRARY, TAIWAN. F.O.C.

漢袁騰碑貢之中子也

漢西平令楊期碑在尉氏縣西南四十里三亭鄉楊方村墓南二十步文字磨滅唯有

首尾

漢征西大將軍楊瑾碑在尉氏縣三

漢邊韶碑在開封縣東北五里墓前蔡邕所書今亡

漢邊讓碑在開封縣

漢董襲碑在開封縣東北墓前

魏隱士程冲碑在封丘縣按程隱君墳在縣西南四里碑當在墓下

魏酸棗令毋丘悅碑在封丘縣廢縣內按其文悅字魏正元年三任酸棗令

魏征虜將軍南州刺史王賢思碑按圖經賢思名亮碑在雍丘縣北

十里義縣鄉墓下

魏御史大夫袁渙碑在大康縣

魏鍾繇碑在尉氏縣西北三十里蔣城鄉高兼村今

北三十五里有鍾繇古碑斷折文字磨滅

魏何伯申碑在陳留縣東

魏徐州刺史韓陵碑在東明縣南二十里

漢八都神廟碑在鎮州元氏縣西北二

漢封龍山碑二

在獲鹿縣南四十五里山上延熹七年立

漢藁城縣長蔡湛碑

在本縣西二十五里光和四年立

漢無極山碑

在元氏縣西北十里極山下建安四年立

漢無極山神廟碑

光和四年

漢上谷太守張禪碑

在定州安喜縣東六里

漢孝子王立碑

在安喜縣東三十里

魏中山太守常通碑

在州城西三里

漢北嶽碑

漢敏昂碑

在冀州

漢熊敏碑

在棗強縣

漢賈敏碑

在棗強縣東北三十里

漢張公神碑

在通利軍衛縣和平元年

漢李固碑

在懷州山陽城內

漢劉班碑

魏文帝為兖州刺史封為白馬侯在澶州縣三十里墓下

漢左伯桃碑

在安肅軍安肅縣西十五里墓前

魏張文簡碑

在湯陰縣西一百步

魏劉盆碑

在祁州梁澤縣正始二年立在墓側

漢蘇武功碑

在京兆府武功縣墓下

臺灣國家圖書館, NATIONAL CENTRAL LIBRARY, TAIWAN, P. R. C.

漢太守樊演碑 在河中府臨晉縣內墓前

漢乞復華下民租田算狀 樊毅奏唐盧傲重立 在華州華陰縣嶽廟內

漢司徒劉竒碑 在華陰縣

漢西嶽華山亭碑 樊毅光和元年 在華陰縣

漢西嶽華山廟碑 并陰在華陰縣 袁逢延熹四年

漢劉黨碑 在華陰縣墓 下文字摩滅

漢殺坑君神祠碑 裴華君光 立在華州

漢石闕銘 永和元年常山太守造 在華州華陰祠後苑中

漢太守楊震碑 在閩鄉縣西十五里以來 縣志相統門碑立在墓前

漢高陽令楊君碑 門人立 在閩鄉

漢繁陽令楊君碑 故吏立在閩鄉墓 前富波君少子

漢金城太守楊統碑 在閩鄉 墓前

漢李翕碑 在成州崖石 上字皆完好有甘露白鹿 黃龍連理木四物圖記李翕之政治也

漢郭有道碑 在太原府平晉縣蔡 翁文并書在龍泉側

魏馮勅碑 在潞州上黨 縣南墓下

魏陸嚴碑 在上黨縣 西墓下

魏并州刺史王垣碑 在絳州絳縣東 南二里墓旁

漢敬歆碑 在正平縣北 二十里墓側

漢郭林宗碑 在汾州介休縣墓側

魏車騎將軍穆祚碑 在介休縣南墓下

漢山陽太守祝睦碑二 在應天府虞城縣東二里

漢丁儀碑 在虞城縣墓前

漢陽翟令許叔臺碑 在柘城縣西南光和中立

漢交州從事丁仲禮碑 在楚丘縣北三里

漢太尉掾橋載碑 在宋城縣五里

漢繹幕令碑 在宋城縣東

漢橋玄碑二 在宋城縣漢朝羣儒感橋氏德行之美乃共立碑一故吏司徒博陵崔烈立

今隴西抱

漢慎令劉君碑 在穀熟縣門外夫子廟中

漢樂陵令太尉掾許嬰碑 在杯城縣西南

漢光祿勳劉曜碑 并陰在鄆州項城縣

漢彭府君碑 在中都縣

魏兖州刺史李伯茂碑 在曹州

漢帝堯碑 在濟陰縣

漢堯祠祈雨碑 在濟陰縣

漢堯母碑 在濟陰縣

漢劉熙碑

在徐州蕭縣二十五里

漢袁安碑

在子城南門外百步

漢高祖感應碑

在豐縣北延熹十一年豐令劉豐立

魏樂安長劉世碑

在彭城縣北

魏羊續碑

在兗州

漢御史大夫鄭君碑

在龔丘縣墓下

漢司徒吳雄等奏孔子廟置卒史碑

漢魯相晨等奏出王家穀祠孔子廟碑

在仙源縣建寧二年

魏封議郎孔羨為宗聖侯碑

曹植文梁鵠書黃初元年

漢泰山都尉孔宙碑

在仙源縣墓前

漢孔奘碑

在仙源縣

漢碑

永壽三年故婺州從事孔君德於孔子墓祠壇前立在仙源縣

漢孔謙碑

漢司農孔峽碑

在仙源縣墓前

漢尚書郎河東太守孔宏碑

在仙源二碑並建寧元年

漢御史孔翊碑

在仙源縣墓前

漢博士孔志碑

在仙源縣孔子墓東

漢魯相韓勅修孔子廟碑

在仙源縣

漢魯相韓勅復顏氏繇發碑未壽二年

漢尊士倪壽碑在仙源縣南七步魯城內

漢竹邑侯相張壽碑在單州成武縣城內墓南

漢俠伯咸碑在單父墓前建寧中立

漢廬江太守范式碑在濟州任城縣西南四十里大頂山南

漢中郎王政碑在任城縣墓前

漢司隸校尉魯峻碑蔡邕書在任城縣墓前

漢少傅何君碑在任城縣墓下

漢執金吾武榮碑在任城縣墓下

漢古司馬城鐵碑在金鄉縣東南四十里漢浮陽侯司馬耀所封也

魏太尉滿寵碑在金鄉縣墓前

漢景君碑二題八漢故謁者景君益州人守景君碑在任城縣

漢馬援廟碑

漢馬江碑

漢御史大夫邾慮碑鍾繇書在墓前

漢童恢墓雙石闕字在任城縣南七里一云漢故不其令童君一云童恢琅邪人

魏金鄉令徐公碑在任城縣景明一年

漢麟鳳碑在州衙

漢費令田君德政碑 在沂州

漢童子逢盛碑 在濰州俗云董孝碑

漢孫嵩碑 在密州安丘縣西四十里冢前

漢安平相孫君碑 在高密縣西南五十里

魏管寧碑 在安丘縣西南五十里冢前

魏邴原碑 在安丘縣西南四十里墓前

魏孫炎碑并妻碑 在長山縣西南三十里長白山東甘露五年

漢太尉劉寬碑二 在河南府上東門子手營內門生故吏各一井碑陰

漢石經 尚書論語公羊在張奎龍圖冢

漢司徒掾梁君碑 在襄州穀城縣東四里建安廿七年文字磨滅

漢玄儒先生婁壽碑 在乾德縣初書樓下

漢山陽太守碑 在穀城縣西一里古筑城東文字磨滅

郭輔先生碑 不知時代

漢筑陽侯相景豹碑 在穀城縣西一里

漢侍中王逸碑 在宜城縣南

漢南陽太守秦君碑 在宜城縣熹平年立惟碑首篆字全

漢南陽太守秦君碑 在鄧州南陽縣字減惟碑首有

魏董陵太守呂君碑 在南陽縣

魏受禪碑

在潁昌府臨潁縣魏文帝廟梁鵠書

漢僕射荀公碑

在長社縣東北十里墓前廢

漢司隸從事郭君碑

在孟州濟源縣

漢北軍中候郭君碑

在濟源縣

漢光武皇帝碑

在汝州汝墳鎮

漢封觀碑

在項城墓前

漢蔡昭碑

在隋州光化縣墓前

漢桐栢神碑

在唐州延熹中

漢中常侍樊安碑

在縣南門外二里許道側

漢中常侍曹騰碑

在亳

漢老子銘

在衛真縣太清宮邊韶文蔡邕書

魏大嚮碑

在譙縣魏文帝廟有陰梁鵠書匾經云曹子建文鍾繇書延康元年

漢幽州刺史朱龜碑

在譙縣墓下

玄孫伯著碑

在宿

漢楚相孫叔敖碑

在光州固始縣西南本廟內

漢秦始皇碑

東海相任恭修理祠於碑背刻在胸山

漢東海祠碑

末壽元年東海相栢君

漢堂邑令費君碑

在湖州云烏程并陰

漢梁相費君碑 在州衙

漢羅訓墓誌 在衡州耒陽縣南六十里

漢南昌太守谷所碑 在耒陽縣東北

漢青州刺史劉焉碑 在耒陽縣十五里墓下

漢胡騰碑 在耒陽縣南四里

漢羅含誌 在耒陽縣南四里

漢桂陽太守周使君碑 在韶州樂昌縣郭倉文

漢周公禮殿石楹記 在郴州府初平

漢楊侯伯墓碑 在屏墓北

漢王稚子墓闕文 在新都縣

漢析里橋郇閣頌 在澧州建寧五年仇子長書名紳在什邡縣

漢廣漢太守沈子瑜碑 碑云熹平五年綿竹立

漢馬融墓碣 在什邡縣字有磨滅今亡

漢嚴君平廟前碑二 在綿竹縣文字磨滅

漢上庸長闕文 在德陽縣靈龕鎮

漢刺史李頊碣 在綿州巴西縣今在開元寺文字磨滅

漢張翼碣 在州東四十步

漢中令楊暢墓碑 在嘉州夾江縣東南古賢鄉

漢仙人唐公昉碑在興元府

漢沛相劔門范皮墓闕文在劔州梓潼縣東墓前字不甚多記名目而已

漢趙國相雍勸墓石闕文在梓潼縣東二里墓前

析里橋閣碑在興州州衙有三段并首

漢王褒墓碑在資州資陽北二十里墓前文字磨滅

右天下碑錄凡十卷近世不知作者所載多唐人

碑今刪取其東漢者著于篇魏碑十數予所未見

者亦附焉姓名舛錯者悉存其故其所謂漢或有

三國之漢與五胡之漢者其所謂魏疑亦有元

者非得確不能區別也它日中原復為王土則志

古之士可以按圖而求之

隸釋卷第二十七終

萬曆戊子余爲廣陵守偶得隸識一集
于真州僧舍乃寫冊也或曰此元人手
抄亡其姓氏余素未覩此集詢之博雅
者皆云坊肆間並未刊布余因命工依
宋板字梓之以與好古者共覽焉

